

Bi 2024 Aen Hozdung Cawjdaez Lwnh “Minzfazdenj Haeuj Segih” Gvangjsih Youq Sihlinz Haiguh

6 nyied 12 hauh, bi 2024 aen hozdung cawjdaez lwnh “minzfazdenj haeuj segih” youq Bwzswz Si Sihlinz Yen haiguh. Neix dwg Swcigih Minzcwngdingh、Swhfazdingh guhdaeuz, Sihlinz Yenveij Senhconzbu, Sihlinz Yen Minzcwnggiz、Swhfazgiz ciepbanh.

Bouxguh Hong nda daiz lwnh cwngcwz fapldw、baij ok banjbau、venj diuz fukvang、fat swhliu、hoizdap vunzlai camcaz daengj. Baez neix fat le fanh lai faenh saw fapldw fapgvi daengj swhliu, hoizdap 200 lai boux vunz camcaz vwndiz. Swcigih Minzcwngdingh lij soengq 《Aen Ganghyau Hag Gij Swhsiengj Fapceih Siz Ginbingz》《Yenfaz》《Minzfazdenj》daengj saw hawj Bazdaz Cin Cwngzsih Segih yienh de.

Baez hozdung neix lwnhgangj bujgiz le gij cihsiz fapldw 《Minzfazdenj》, hawj fapldw fapgvi doekrag ndawsim vunzlai, guh ok gij fwnhvez hag fap、souj fap、yungfap naekna.

(岑敏文/Cwnz Minjvwz 韦萧沐/Veiz Siuhmuz)

► Bouxguh Hong fat saw fapldw fapgvi hawj vunzlai.



Hingh' anh “Sam Saek” Caez Veh Fuk Veh Moq Couqmaenh Gij Eiqsik Caezcaemh Cunghvaz Minzczu

Gyawj geij bi neix, Gveilin Si Hingh' anh Yen aeu “dangjgen daz-yinx、canjnieb hwngfat、vwnzva okrengz” doidoengh gak minzczu gvangqlangh doxgyau dox baedauq doxyungz, caez veh fuk veh moq couqmaenh gij eiqsik caezcaemh Cunghvaz Minzczu.

Dangjgen dazyinx, veh ndei “bonjsaek”. Hingh' anh dawz hwnq-guh minzczu doxgiet baenaj yungz-

haeuj “sam hoih it goq”、ngoengz cawj-daez aendangj、son' gyaug saekhoengz bae, laeb doengh aen doih lwnhgangj、gagnyienh fugsach. Bineix doxdaeuj, gak aen dangjucjiz ndaw yienh guh le 300 lai baez hozdung minzczu doxgiet baenaj, daih' iek miz 2.3 fanh vunz camgya.

Canjnieb hwngfat, demlai “daeg-saek”. Yienh de ciuq dieg daj-ndaem, cauhamoq hwngfat “swnghdai +

canjnieb + vwnzlij”, geij bi neix douzhaeuj 3.6 ik maenz ngaenz bang guh canjnieb, gij canjnieb miz daeg-saek minzczu ndaw yienh cw daengz 95%. Youq lajmbanj guh lijyouz miz daegsaek, moix bi aiq yinx daeuj 10.5 fanh vunz guhcaemz lijyouz、yenzhag、daejniemh yienghndei minzczu daengj.

Vwnzva okrengz, gungganq “saek dajdaej”. Hingh' anh youq sam nyied cosam、ngux nyied co'ngux guh baenz

buek minzsug hozdung, laeb aen donz yisuz “daegsaek minzczu”, hai lanz-moeg “muengxdoxlienz + minzczu doxgiet + vwnzva doxyungz”, cigboq gaiqgwn、fwen foux miz daegsaek de, mwh cigboq ceij lai miz 6.1 fanh vunz daeuj yawj, 3 fanh lai vunz diemj-haenh. Neix coicaenh vwnzva doxyungz, vunzlai gak minzczu caezhoz baenaj.

(赵月英/Cau Yezyingh)



▲ 6 nyied 14 hauh, boux ak densangh doxdax cigboq gai huq.

Densangh Liujcouh Doxdax Cigboq Gai Huq Bang Saenqhwngh Lajmbanj

6 nyied 14 hauh, Liujcouh Si bi 2024 bouxak densangh lajmbanj doxdax dinfwngz cigboq gai huq caeuq hozdung hoih yienhcieg “coenghrengz canjnieb lajmbanj hwngfat” youq Liujcwngz Yen haiguh. 19 aen doih densangh gak yen(gih)

hopndaet huqdoj、gang vax vwnzvang、minzsug vwnzva、vwnzlij swhyenz daengj neiyungz guh doxdax. Neix langhbaej gij densangh Liujcouh guh ndaej hoenghhwd, caemhcaiq ok-rengz bang saenqhwngh lajmbanj.

(覃庆和/Cinz Ginghoz)

Vanzgyangh Gak Dieg Caez Cuk “Diuz Sienq Ancienz” Re Raemxdumh

Mboengqneix, Hozciz Si Vanzgyangh Mauznanzczu Swciyen miz fwn hung fwn haenq, mbanj dieg miz ndoi lak、deng raemxdumh daengj. Yienh de gak dieg gibseiz ciu dangjyenz ganbu bae yawj cingzvgang、gouq cai, baiz-

caz ranzgauq、giz roen lai oksaeh、henzraemx henzdat henzmieng、giz doekgumz laeng diegguenj, hohndei gij sengmingh caizcanj vunzlai.

(韦丽硕/Veiz Lisoz 梁舒琪/Liengz Suhgiz)



▲ Vunzlai hai aen gihhaivat vat deuz gij rin lak gwnz roen.